



*Jumat, 19 Agustus 2022*  
**Ogen: Keluaran 2:11-13**



**Engkelengi Teman**



**K**ai nge ertina teman man bandu? Apai nge padin lit temanta ntah si sada-sada? Adi Pustaka Sibadia ngatakenca padian me lit temanta. Sabap adi lit teman sada arih ras sada perukuren ras kita maka ndalani geluh enda pe tempa reh nahangna. Erbahan pertemanen seri ras mpekena sinuan-sinuan, labo banci siarapken saja buahna tapi mekijat kita mere pupukna, nyiramna ras mangkasi ranggas-ranggasna. Musa contoh teman si mehuli man anak bangsana. Amin gia ia mbelin-mbelin i istana Firaun ras ndatken pendidikan ras fasilitas anak raja, ia la lupa janari ia rehna. E maka sada paksa asum iidahna maka lit kalak Mesir mpesega-sega sada kalak Israel, turah ukurna guna mbelasa. Amin gia carana mbelasa i bas ayat enda labo banci ibenarken. Tapi ate kitab enda ncidahkan solidaritas. Kita harus mediate ras nggejabken perbeben teman ras lit isampingna guna mbela temanta si ipesega-sega kalak. Labo arus teman si seri ras kita, buktina pepagina idah Musa ka nge sesama bangsa Israel rubat saphi-saphi ia. Ertina, adi langgeng ateta pertemanen e maka sepenggejapen me kita. Bagi musuh Israel asum e labo bangsana jine, tapi Mesir nge, ingatlah maka kita nggeluh i doni enda pe labo temanta manusia si jadi imbangta, tapi kuasa-kuasa gelap si maba perpecahen, perubaten, sakit hati, dll. E maka mari ergaken pertemanenta ras ise pe, ola egois. Tep-tep hubungan si mejile e me hubungan si er "endi-enta", gayung bersambut, dua arah saling mengisi saling menerima. Memupuk pertemanen, hadirilah i bas paksa ia susah, tawalah sangana ia ermeriah ukur. Sampati ia agui ranggas-ranggas si ngolangi kemajunna, persingeti alu mehuli i bas kekurangan ras salahna, pujiken bas prestasina. Sahabat ntah pe teman e me kap pemere Dibata. Sangaplah siapak adi mbue temanta, kelengilah ia.